

Poziv na dostavu projektnih ideja u okviru otvorenog poziva za dostavu projekata iz MED programa Evropske Unije

Napomena:

Rok za dostavu: 19.mart 2012. Krajnji rok za prijavu projekata 12.april 2012. god.

Poštovani,

Predstavništvo Kantona Sarajevo poziva Vas da u okviru otvorenog poziva za prijavu projekata iz MED programa do 19.marta 2012. god. na predstavništvo dostavite projektne ideje.

Program MED je transnacionalni program, finansiran od strane EU kao instrument usaglašavanja regionalne razvojne politike. Program uključuje trinaest zemalja Sredozemlja: 9 država članica EU, kao i zemlje Sredozemlja koje su kandidati ili potencijalni kandidati za članstvo u EU, među koje spada i Bosna i Hercegovina.

Transnacionalni karakter programa omogućava rješavanje teritorijalnih izazova van fizičkih i nacionalnih granica.

Cilj MED programa je:

1. Poboljšanje konkurentnosti područja na način koji sljedećim generacijama garantuje rast i zapošljavanje (Lisabonska strategija);
2. Promocija teritorijalne kohezije i zaštite okoliša, prateći logiku održivog razvoja (Göteborg strategija).

Aktivnosti programa koncentrisane su na četiri prioriteta:

- Prioritet 1: Jačanje inovativnih kapaciteta
- Prioritet 2: Zaštita okoliša i promocija održivog teritorijalnog razvoja
- Prioritet 3: Poboljšanje mobilnosti i teritorijalne pristupačnosti
- Prioritet 4: Promocija integrisanog i policentričnog razvoja prostora Mediterana

Trenutno je otvoren poziv za podnošenje projektnih prijedloga zemalja učesnica programa. Ovaj poziv nosi naziv „**Poziv za podnošenje prijedloga za projekte u polju inovacija/energije**“ (Targeted call for project proposals on innovation/energy). <http://www.programmed.eu/en/download--area/targeted--call--innovationenergy.html>

Cilj ovog poziva je da se bolje identifikuju i potom ojačaju 1) **inovativni kapaciteti malih i srednjih preduzeća (MSP)** MED regiona, kao i da se podrži sprovođenje inovativnih rješenja za 2) **obnovljive izvore energije i energetska efikasnost** gradova i regija. Konkretnije, trenutno otvoreni poziv fokusiran je na prve dvije prioritetne tačke MED Programa:

➤ **Prioritet 1:** *Jačanje inovativnih kapaciteta, uključujući i promociju inovativnih tehnologija, know how prijenos znanja (cilj 1.1), kao i jačanje strateških suradnji aktera koji doprinose ekonomskom razvoju i tijela javne vlasti (cilj 1.2).* Projekti koji se podnose treba da daju prijedlog za jačanje pozicijamalih i srednjih preduzeća u energetsom sektoru u Mediteranskim regijama, kao i da povećaju njihov potencijal na transnacionalnom nivou.

➤ **Prioritet 2:** *Zaštita okoliša i promocija održivog teritorijalnog razvoja, pogotovo Promocija obnovljivih izvora energije i sprovođenje energetske efikasnosti (cilj 2.2).* Fokus prijedloga za projekte mora biti na promociju inovativnih rješenja za obnovljivu energiju i/ili rješenje za energetska efikasnost za tzv. «pametne» Mediteranske gradove, pogotovo uzimajući u obzir uspjeh ili neuspjeh prethodnih ili trenutnih sličnih inicijativa (eco--djelovi gradova, inicijative za tzv. «pametne» gradove...). Poteškoće ovih projekata mogu biti prouzrokovane lošim sprovođenjem u smislu efikasnosti ili ekonomičnosti energije, nedovoljnim znanjem ili sposobnostima, prevelikim troškovima itd.

Cilj ovog poziva je da se promovišu strategije, planovi i mjere kako bi se osiguralo da se inovativna rješenja sprovode i koriste na najbolji i najučinkovitiji način.

Stoga Vas pozivamo da u okviru navedenih prioriteta otvorenog poziva predložite projektne ideje Vaših Ministarstava.

Savjetujemo da prilikom selekcije projektnih ideja konsultirate i druge relevantne institucije Kantona Sarajevo te se prilikom pisanja projektnih ideja obratite se i regionalnoj razvojnoj agenciji SERDA, sa kojom saradjujemo vazano za odabir, pisanje i kasniju realizaciju projekata. Predstavništvo će dostavljene projektne ideje (na engleskom jeziku!) vezane za spomenuti poziv predstaviti zainteresovanim partnerima. Ovaj poziv od strane predstavništva takodjer je upućen zainteresovanim partnerima iz EU, iste će kasnije biti usaglašene sa predloženim projektnim idejama Kantona Sarajevo.

Rok za dostavu projektnih ideja prema predstavništvu je ponedjeljak, 19. Mart 2012. U srijedu, 21. Marta 2012. u prostorijama predstavništva u Briselu bit će organizirana prezentacija projektnih ideja. Krajnji rok za prijavu projekata za MED poziv je 08.april 2012.

Molimo Vas da obratite pažnju tokom prikupljanja projektnih ideja, jer se jedan prijedlog može odnositi samo na jedan od dva gore navedena prioriteta. Ukoliko ste zainteresovani za sprovođenje projekata u obe prioritetne tačke, potrebno je podnijeti dvije odvojene aplikacije za dva odvojena projekta. Sredstva koje je europska zajednica izdvojila po projektu iznose između jednog i tri miliona eura(€1.000.000--€3.000.000). Više informacija o formi aplikacije i ostale detalje naći ćete na web stranici MED programa www.programmemed.eu, kao i kod Direkcije za EU integracije (Mersiha Zuban, mzuban@dei.gov.ba), i SERDA agencije (Dragiša Marek, marek@serda.ba).